

Thomas Lindemann

**Programma Quo Ad Exequias Quas ... Sophiae Elisabethae Steinbringks Vir ...
Dn. Bernhardus Clingius, huius Reipub. Consul ... viduus moestissimus coniugi
desideratissimae adornatas expetit : Omnes ordinum cives Academicos ... invitat**

Rostochi[ij]: Pedanus, 1632


<http://purl.uni-rostock.de/rosdok/ppn77467198X>


Druck Freier  Zugang



Lindemann, Th.
in S. E. Steinbrinck,
uxor. B. Klinge.

Rostock 1632.





PROGRAMMA

Quo
Ad Exequias

Quas

*Matronæ mellitissimæ omnium virtutum
sexum fæmineum decorantium laude
conspiciuæ*

SOPHIA ELISA-
BETHÆ Steinbringis

UIR

Amplissimus Prudentissimus

Dn. BERNHARDUS CLINGIUS,
hujus Reipub. Consul meritissimus vi-
duus mœstissimus conjugii desideratissimæ
adornatas expetit.

*Omnium ordinum ciues Academicos pera-
manter & officiose invitat.*

RECTOR

Academia Rostochiensis

THOMAS LINDEMAN

D. & Professor

ROSTOCHI

Typis JOACHIMI PEDANI Acad. Typ.

ANNO M. DC. XXXII.



RECTOR
Academiæ Rostochiensis
THOMAS LINDEMAN
J. U. D. & P. P.



Eminam nisi ex Viri costa
conditam esse facer codex nos
edocuisset, divinitus nobis in-
geniti bonæ mentis characteres
suffieienter impresissent. Tam
vehemens enim viri & mulieris
naturæ ingenitus est ardor & a-
mor, ut semel junctorum animas
in duobus corporibus habitantes binas, divina Meta-
morphosi in unam consolidet, ex pluribus ossibus u-
num, duo in carne una efficiat. Unde Immanuel no-
ster amorem suum erga genus humanum sub imagine
sponsi & sponsæ in verbo suo nobis adumbrat. Ut e-
nim ex Adam dormientis costâ Eva exstructa; ita ex
Christi in cruce obdormientis latere & inde proma-
nante sanguine ex edificata Ecclesia, sincera sponsione
& fide sponso suo jungitur. Quo respiciens Oseas,
Desponsabo te mihi, inquit, in æternum, desponsabo
te mihi in justitia & fide. Hujus Spiritualis amoris
quoties vir uxori foedere jungitur conjugali, recorda-
ri debet, cujus efficaciam Modestinus noster verbis
prægnantibus describit, dum conjunctionem talem,
confor-

confortium omnis vitæ & communicationem divini
& humani juris appellat. Eiusdem vehementiam &
sinceritatem amor Patriarcharum, Abraham & Saræ,
Isaaci & Rebeccæ, Jacobi & Rachelis, Davidis & Abi-
gail &c. Item ex prophanis, Penelopis & Ulyssis, Ad-
meti & Alceftidis. Laodamejæ & Protefilai, Lucre-
tiæ & Collatini, Tyberij & Corneliæ, Hypsicrateæ &
Mithridatis, & infinita alia Exempla repræsentant.
Effectus ejusdem sæpe exstitērunt mirabiles. Quo e-
nim caduceator nullus penetrare valuit eò amor hicce
se occulta vi insinuans seditiones composuit, bellicos
motus sopivit & pacem reduxit, stabilivit. Hoc a-
more mediante, Cadusius seditiosissimos Cares ad con-
cordiam flexit; Eiusdem efficaciam Cyrus Chaldæos si-
bi inimicissimos placavit, Alexander Asiam Europæ
junxit, & res desperatissimas sæpè restituit. Amor
hicce muliebri sexui privilegia eximia peperit. Quis
enim, inquit, Justinianus, uxorum non misereatur pro-
pter obsequia, quæ maritis præstant propter partus pe-
riculum & liberorum educationem. Hinc Censorius
ille Cato, inter leges Censorias hanc vel maximè no-
bilem sanxit, quâ cavet, ut, si quis honestæ foeminae
manus inferret non secus ac si Dearum simulachrum te-
merasset, puniretur. Darius Persarum Rex Uxorem
suam immortalem esse optabat, ast voto hoc cum o-
bitu inopinato cecidisset, Democritum ad eam mortem
eripiendam accersivit; Verum prævaluit Lex JEHOVÆ,
omnis caro foenum & semel peccati stipendium sol-
vendum. Sive enim corpus sub purpurâ sudarit, are-
scet in pulverem, sive sub divitijs suspiravit, attenua-
bitur in cinerem, sive sub vili linteo ingemuerit, in pu-
torem

rorem laxabitur. Certè, si castitas, pietas, amore con-
jugalis, ulla vel privilegia vel alexipharmaca, Parca
violentiam declinare potuissent, Matræ lectissima
Sophia Elisabetha Steinbringf, cui hodie juxta exsolvi-
mus, immortalitate digna, à latere Mariti dulcissimi
Viri Amplissimi & Prudentissimi Dn, *Bernhardi Clingi*,
Consulis meritissimi divulsa, nunquam fuisset. Euri-
pedes dubitabat, an vivere sit mori, vel mori vivere.
Nos Christiani, qui mortem ad vitam transitum esse
novimus, mortem pro privilegio merito reputamus.
Quod perpendens viduus moestissimus, in Divinâ
voluntate acquiescet.

Nata est autem ~~per~~ *nostra* parentibus hone-
stissimis & præclaris Patre Viro Amplissimo & Spe-
ctatissimo *Henrico Steinbringf* Divi HENRICI JULII Du-
cis Baunsvvicensis, castrorum & præfecturarum gene-
rali præside, etiamnum superstite, fermè in meta vitæ
nimirum anno 78. constituto, filia tenerrimè dilectæ
obitum acerbissimè lugente. Matre matræ hono-
ratissima *Anna von der Lippen*. Avum pie defuncta lau-
davit *Henricum Steinbringf* aviam *Annam Kochiam*. Ma-
jores tam Paterni quam Materni stemmatis summæ
dignationis & auctoritatis Viri fuerunt, & domui il-
lustrissimæ Ducum Brunovicensium continuâ quasi se-
rie & successione, perennante gratia, rara felicitate, fi-
deles operas, in honoratissimis officijs præstiterunt.
Avunculum habuit *Christophorum & Georgium Burchar-*
dum von der Lippen, viros muneribus publicis claros,
Fratres & sorores numeravit sedecim, Ex quibus Fra-
ter unus *Wernerus Franciscus* Vir juvenis arte & Marte
pollens sub vexillis Electoris Saxonæ Duce Barone

ab)

ab *Hofflichen* nunc militans Pragæ residens, & una Soror *Dorothea Elisabeth* nupta viro Reverendo & Literatissimo Dn. *Georgio Wilhelmo Probsti* Cæsareæ secularis Abbatiae Gandersheimiensis Seniori, hereditario in Rimroda superstites sunt; Reliqui partim infantili, partim juvenili ætate fati cesserunt. Ex hac tam generosa stirpe pie defuncta progenita, non potuit non esse eidem *virtutibus* imo æmula, prout ingenitæ animi dotes, à primis unguiculis in eâ emicuerunt & cum annis succreverunt; Unde postquam à Parentibus primitus Sponso Immanuele per lavacrum regenerationis desponsata & successu temporis in schola pietatis, castitatis; omniumq; virginalium virtutum probe informata esset, Tertullianum ornatum induit, oculos nimirum pinxit verecundia, manus laboribus assuevit, corpus serico probitatis, bysso sanctitatis, purpura castitatis amicit. Ex hoc ornatu elucens splendor latere nequijt, sed honesta percrebescente fama, Pegaseo quasi volatu, penetrans, huic virgini nubili factæ procos, non Penelopes fuugos, sed forte Rebecca Nauficæ vel Lavinia, præclaros amatores & admiratores conciliavit. Circa idem tempus viduus nunc moestissimus Dn. *Bernhardus Clinge*, ex obitu dulcissimæ primæ conjugis *Agneta Breden* viduum premebat lectum, in hoc luctu constitutus curas dilutum, animi causa in Ducatum Brunsvicensem cum sororis suæ *Anna* virginum tunc temporis coronæ, sponso, Viro Magnifico Consulto. Dn. *Theodoro Busio*, arctissimo amicitiaæ foedere sibi juncto (postmodum Regiæ Majestatis Danicæ Consiliario & per Holsatiam Cancellario, affine & amico nostro fido & sincero), ante paucas septimanas Eheu!

nobis præmatura morte erepta) excurrit, ubi cum forte fortuna in *uagae* nostram incidisset, ejusdem aspectu, gestu, virtutibus, quasi percussus proxeneta Dn. *Bussio* virginis consobrino, & proci novi *Oreste*, ad eam amare & ambire cepit, ac haud difficulter exambitã, Anno 1612. huc deductam 25. Maij eodem cum D. *Bussio* ejusq; sponsa (ceu fratre novo accito) instituto actu nuptiali, sibi matrimonio copulavit. Secundum hocce connubium secundante *Jehova* secundum, fœcundum, jucundum tranquillum adeoq; beatissimum est expertus. Siquidem pater factus undecim librorum *Bartholomæi, Bernhaldi, Joachimi, Annæ Margaretae, Hinrici, Sophiae Elisabethæ, Agnetæ, Johann Wilhelmi, Margaretae Elisabethæ, Dorotheæ Mariæ, & Annæ Sophiae*, quorum octo ad beatas sedes, antequam hujus mundi sordibus inquinarentur præmissi sunt *Joachimo & Hinrico* eximiæ indolis, & magni spei juvenibus, & *Annæ Sophia* superstitis, In numerosâ hac prole pie ac sedulo educanda, nulli labori & molestiæ mater pepercit. Sed exemplo *Grachianæ* Conjugis liberos veluti in gremio suo efformavit, thesauros pretiosos reputavit, quos tamẽ magna ex parte deinde reperitos, ceu mutuũ divinũ creditori *Jehovæ* magnã constantiã, ast *Christiana* Lubentiã reddidit; *Oeconomix* singulari industria præfuit, familiæ suæ ceu altera *Andromache* regula vite fuit, cũ *Phydiacã* venere cochleæ domesticæ se inclusit; In Marito colendo *Evadnen Pantheam* vel *Armeniam* adæquavit, in eundem oculos defixos habuit, ab ejus nutu pependit, adeo concorditer cum eodem vixit, ut unam mentem in duobus divisam fuisse credideris; Prospera & adversa forti & patienti animo per-

tulit,


tulit. atq; ita vitam composuit, ut virtutes omnes quæ
in honesta matrona requiruntur. in hujus pectore do-
micilium metatæ viderentur. Maritus hinc ab omni
cura œconomica liber, publicis negocijs vacabat. Ast
postquam moles laborum consulatu ei aggravata es-
set, adeoq; adjutorio suo vel maxime egeret, ecce
JEROVA columnam hanc domus concutere cepit & co-
stam hanc Clingianam mellitissimam continua febrî
cum *κεφαλαλγία* conjunctâ corripuit, quam reprime-
re & excutere licet maritus ope & Consilio Medico-
rum omni conatu annifus fuerit, illa tamen ultimum
terminum (quem jam antè integrâ valetudine, circa
hoc anni tempus decursurum præfagerat,) appropin-
quare præsentiscens, terrenarium rerum curam peni-
tus objecit, non Æsculapij panchreston sibi submini-
strari petijt, sed sponso suo cœlesti, novo conjugio
copulari desiderans, animæ medicum acciri jussit, cum
eo de contemptu mortis & mundi & æternæ vitæ gau-
dijs masculè & pientissimè differuit, ex profundis JE-
HOVÆ auxilium imploravit & salvifico Alexipharmaco
sanguinis & corporis CHRISTI animam, ex hoc gurgu-
stio in cœlestem patriam properantem, pastam, & tu-
tissimo sento adversus Satanicos insultus munitam, in-
ter continuas preces gemitusq; creatori & Redemptori
suo reddidit. Dura hæcce animæ unius in duobus cor-
poribus dichotomia: nec enim summam tantum cu-
tè dolor inde nascens rumpit, sed pectus & viscera, te-
stè Senecâ ad Helvium, dividit, & per ipsas cicatrices,
quarum nova obitu sororis, viduo nostro inflicta est,
percutit. Ast si affectibus suppressis vulnus hoc æsti-
metur, non infortunium sed solatium reputabitur.

Sub:

Subducta est enim pie. demortua ærumnis præsentibus, quæ instar diluvij totam Germaniam hoc tempore fataliter inundarunt, reposita est quieti quam uullæ turbæ interpellant, restituta est illi paci quàm ardentissimis votis Patria nostra afflictissima suspirat, delata est in illum portum, quem nulli Aquilones, nulla frigoris asperitas, pyratarumve direptio infamat. Hanc felicitatem noli animulæ tuæ, Affinis honorande, invidere, quin potius Paulinum illud 2. ad Corinth. 5. tibi & huic malo leniendo piè applica: Scimus, si terrestris domus hæcce dissolvatur, quod ædificium nobis à Deo exstructum sit, non manu factum, sed in cœlo æternum, nam in hoc ingemiscimus habitationem quæ in cœlo est superindui cupientes &c. Porro exuvia piè defunctæ non sacrificia solemnia, non corollas, vel cupressus, sed piæ Exequias à vobis, Cives Academici, contendunt, Easq; ut agamns vidui mœstissimi in Academiam benemerita nobis imperant. Cum itaq; sacro huic Exequiali hodierni diei hora media prima dicta sit, Rogo & moneo omnes Academiæ cives ut frequentes confluant, pijs Manibus honorem debitum exhibeant, & non tantum Sortis humanæ memores mori discant, sed & ut in pace nobis mori liceat Deum orent. Romani teste Jcto Mensis Jan. statis diebus votis privatis peractis, pro Magistratu summo & conservatione status publici, sacrificia Dijs destinabant. Nos cum videamus & quotidie audiamus, Imperij Romani cardines undequaque concuti J E H O V A M qui claves belli & pacis manū suā gerit, merito ardentibus invocamus precibus, ut motus bellicos bonis conditionibus sopiat, Príncipes nostros Illustrissimos, & nos sub eorundem quasi alis protegat ac defendat

P. P. Rostochij II. Januarij Anno 1632.

108 80





ab Hoffkirchen nunc militans Pragæ re-
tor *Dorothea Elisabeht* nupta viro Reve-
tissimo Dn. *Georgio Wilhelmo Probst* C
Abbatia Gandersheimiensis Seniori
Rimroda superstites sunt; Reliqui par-
tim juvenili ætate fatis cesserunt. Ex
rosa stirpe pie defuncta progenita, no-
sed eidẽ *virtutia* imo æmula, prout inge-
â primis unguiculis in eâ emicuerunt &
creverunt; Unde postquam à Pare
Sponso Immanuele per lavacrum re-
sponsata & successu temporis in scho-
tatis; omniumq; virginalium virtutum
ta esset, Tertullianum ornatum induit,
pinxit verecundia, manus laboribus a-
lerico probitatis, bysso sanctitatis, p-
amicijt. Ex hoc ornatu elucens splen-
quijt, sed honesta percrebrescente fam-
li volatu, penetrans, huic virgini nub-
non Penelopes fuugos, sed forte Re-
vel Lavinia, præclaros amatores & ad-
ciliavit. Circa idem tempus viduus
mus Dn. *Bernhardus Clinge*, ex obitu d-
conjugis *Agnetæ Breden* viduum prem-
hoc luctu constitutus curas dilutum, ar-
catam Brunsvicensem cum sororis sua
tunc temporis coronæ, sponso, Viro I-
sultis. Dn. *Theodoro Busio*, arctissimo
sibi juncto (postmodum Regiæ Majest-
siliario & per Holsatiam Cancellario,
nostro fido & sincero, ante paucas se-

A 3

